
**ACTA DA SESIÓN EXTRAORDINARIA DO PLENO DA CORPORACIÓN DO
11 DE OUTUBRO DE 2016**

No Salón de Plenos da Casa do Concello de Monforte de Lemos, o día once de outubro de dous mil dezaseis, reúnense os membros do Pleno da Corporación co obxecto de celebrar sesión extraordinaria debidamente convocada para as vinte horas e trinta minutos de dito día, dando comezo ás vinte horas e trinta e tres minutos.

Preside o Sr. Alcalde: D. José Tomé Roca (Grupo Socialista).

Asisten:

Sres/as. Concelleiros/as:

Grupo municipal Socialista: Dna.Gloria M^a Prada Rodriguez, D.Iban Torres Rodríguez, Dna. M^a Pilar Espinosa Novelle, D.José Luis Losada Fernández, Dna.Marina M^a Douton Rajo.

Grupo municipal do Bloque Nacionalista Galego: Dna. M^a Pilar López Martínez, Dna. M^a Alicia I. Cadarso Palau, Dna. M^a José Vega Buján –incorpórase no punto 2 da orde do día-, D.Emilio José Sánchez Iglesias, D.Víctor López Mateo.

Grupo Municipal do Partido Popular: Dna. M^a Julia Rodríguez Barreira, D. Emilio Ivan Vázquez Rodríguez, Dna. M^a Purificación Argiz Quintas, D. Francisco José Cela Rodríguez, D. Manuel Jesús López Sánchez.

Grupo municipal de Esperta Monforte: Dna. M^a Isabel García Díaz.

Interventora acetal.: Dna. María I. Buján Arias.

Secretario: D. José M^a Baños Campo, que dá fe do acto.

O Sr.Alcalde abre a sesión e dispón que se proceda a tratar os asuntos da orde do día.

**1. ACTA ANTERIOR, CORRESPONDENTE Á SESIÓN ORDINARIA DO
26 DE SETEMBRO DE 2016.**

Non hai ningunha observación respecto ao borrador remitido coa convocatoria. Sometido a votación, o Pleno por unanimidade acorda aprobar a Acta da sesión ordinaria da Corporación municipal do 26 de setembro de 2016.

**2. MODIFICACIÓN DE ORDENANZAS FISCAIS PARA O EXERCICIO
2017.**

Polo Sr.Secretario dáse lectura do que resulta do ditame emitido pola Comisión Informativa de Economía e Facenda e Comisión Especial de Contas. En base a dito ditame tralas intervencións regulamentarias, acórdase o seguinte:

“Respecto da Ordenanza Fiscal Xeral dos Ingresos Municipais modifícase o calendario fiscal para o exercicio 2017 e suprímese a denegación de adiamento e

fraccionamento nos supostos de débedas de vencemento periódico e notificación colectiva, cando se atopen en período voluntario

Polo que ser refire aos impostos, adáptase a Ordenanza Fiscal do Imposto sobre Bens Inmobilés de Natureza Urbana, modifícase período no cal poderase solicitar a bonificación do 50% na cota das vivendas de protección oficial

No Imposto sobre Construcións, instalacións e obras, no réxime de xestión, adáptase o momento de emisión da liquidación nos supostos que se teña solicitado unha bonificación cuxo recoñecemento corresponda ao Pleno. Rectíficase a redacción da xustificación do concepto creación de novos postos de traballo letras c) d) para adaptalas a xa existente e nas letras b) c) e d) engádese a prórroga na xustificación do concepto da creación postos traballo cando a mesma non poida xustificarse no momento da concesión da licenza

No Imposto sobre o Incremento do Valor dos Terreos de Natureza Urbana modifícase a redacción do artigo relativo as bonificacións aos efectos de clarificación para a determinación do importe do valor catastral

Modificación da redacción do artigo relativo a bonificacións aos efectos de clarificación da determinación do importe do valor catastral (valor catastral total do inmoble)

En canto ás Taxas, na taxa pola recollida, tratamiento e eliminación de lixo, suprímese a exención polas actividades de fabricación de produtos de molinería exercida en muíños impulsados con enerxía hidráulica

Na taxa pola expedición de documentos, modifícanse as tarifas relativas ao apartado "Persoa"

Na Taxa pola entrada de vehículos a través das beirarrúas e reserva de espazo na vía pública para aparcamentos exclusivos, carga e descargas de mercancías de calquera clase engádese ao concepto de reserva de vía pública para aparcamiento exclusivo e carga e descarga de mercadorías o suposto de establecementos hoteleiros

No prezo público pola visita á Torre Homenaxe suprímense os menores de seis anos como obrigados ao pago do prezo público e modifícanse as contías no mesmo

Logo de comprobar os informes da Intervención municipal e a Secretaria e o que dispón o artigo 17 do Real Decreto Lexislativo 2/2004, de 5 de marzo, previo ditame da Comisión Informativa correspondente,

O Pleno, por seis votos a favor (Grupo Socialista) e once abstencións (Grupos do BNG, do PP e de Esperta Monforte), adopta o seguinte

ACORDO

PRIMEIRO.- Aprobar provisionalmente as modificacións das seguintes Ordenanzas Fiscais:

1.1) ORDENANZA XERAL DOS INGRESOS MUNICIPAIS DE DEREITO PÚBLICO

Modificar artigo 13 “Calendario Fiscal” - Períodos de cobro Tributos
Suprimir a letra d) artigo 21.2 “Tramitación e resolución”

Queda redactado do seguinte modo o artigo que se modifica:

“ARTIGO -13- CALENDARIO FISCAL

1. Con carácter xeral establecese que os períodos para pagar os tributos de carácter periódico serán os seguintes:

a) Imposto sobre Vehículos de Tracción Mecánica

Dende o día 13 de abril de 2017 ao 14 de xuño de 2017

b) Imposto Bens Inmóbiles

Dende o 4 de agosto de 2017 ao 4 de outubro de 2017

c) Imposto sobre Actividades Económicas

Dende o día 16 de agosto de 2017 ao 17 de outubro de 2017

d) Taxa pola recollida de lixo

Sexto bimestre 2016Dende o día 13 de febreiro ao 18 de abril de 2017

Primeiro bimestre 2017..... Dende o día 18 de abril ao 19 de xuño de 2017

Segundo bimestre 2017Dende o día 19 de xuño ao 21 de agosto de 2017

Terceiro bimestre 2017 Dende o día 21 de agosto ao 23 de outubro de 2017

Cuarto bimestre 2017..... Dende o día 23 de outubro ao 26 de decembro de 2017

Quinto bimestre 2017 Dende o día 26 de decembro de 2017 ato o 26 de febreiro de 2018

e) Taxa prestación do servizo escolas deportivas municipais

Segunda fracción curso 2016-2017 dende o 3 de marzo ata o 5 de maio de 2017

Primeira fracción curso 2017-2018..... dende o 27 de outubro ata o 27 de decembro de 2017

f) Taxa auga rede e sumidoiros

- Sexto bimestre 2016 Dende o día 2 de xaneiro ao 2 de marzo de 2017

- Primeiro bimestre 2017..... Dende o día 2 de marzo ao 2 de maio de 2017

- Segundo bimestre 2017 Dende o día 2 de maio ao 3 de xullo de 2017

- Terceiro bimestre 2017..... Dende o día 3 de xullo ao 4 de setembro de 2017

- Cuarto bimestre 2017Dende o día 4 de setembro ao 6 de novembro de 2017

- Quinto bimestre 2017 Dende o día 6 de novembro de 2017 ato o 8 de xaneiro de 2018

g) Resto de Taxes

Dende o día 22 de setembro de 2017 ao 22 de novembro de 2017”

1.2) ORDENANZA 1.2 REGULADORA DO IMPOSTO SOBRE BENS INMOBLES

Modificar artigo 5.2 “Bonificacións”. Modificación período no cal poderase solicitar a bonificación do 50% na cota das vivendas de protección oficial (no canto de 3 períodos 6 períodos) (mesmo período de duración da bonificación)

Queda redactado do seguinte modo:

“ARTIGO -5- BONIFICACIÓNS

2. Terán dereito a unha bonificación do 50 % na cota íntegra do imposto, durante os seis períodos impositivos seguintes ao do outorgamento da cualificación definitiva, as vivendas de protección oficial e as que resulten equiparables a estas conforme á normativa da Comunidade Autónoma. Dita bonificación concederase a petición do interesado, a cal poderá efectuarse en calquera momento anterior á terminación dos seis períodos impositivos de duración da mesma e terá efectos no seu caso, dende o período impositivo seguinte a aquel no que se solicite.”

1.3) ORDENANZA 1.3 REGULADORA DO IMPOSTO SOBRE CONSTRUCCIONES, INSTALACIONES E OBRAS

Modificar os últimos parágrafos das letras b) c) d) do artigo 7 “cota tributaria” aos efectos de asimilar a xustificación de novos postos de traballo ao previsto no último parágrafo da letra b) e da posibilidade de xustificación nos supostos que non sexa posible no momento da concesión da licenza

Modificar o artigo 8. "Xestión". Exencionar o suposto de emisión de liquidación provisional no momento de concederse a licenza nos casos no que se solicite unha bonificación cuxo recoñecemento corresponda ao pleno

Quedan redactados do seguinte modo:

“ARTIGO 7º.- BONIFICACIÓNS

Gozarán dunha bonificación na cota do imposto, polos porcentaxes que a continuación se indican, as construcións, instalacións e obras que sexan declaradas de especial interese ou utilidade por concorrer as seguintes circunstancias:

a) 30% na cota de imposto polas obras de rehabilitación realizadas dentro da actual delimitación de Conxunto Histórico Artístico de Monforte de Lemos

b) As porcentaxes que a continuación seguen na cota do imposto polas obras de nova implantación de actividades empresariais no polígono industrial de Monforte de Lemos, e na Zona do Porto Seco

Considerarase obras de nova implantación aquelas que inicien o exercicio da súa actividade no Municipio.

A estes efectos, non se considerará que produciuse o inicio do exercicio da actividade dunha actividade cando esta se desenvolva anteriormente baixo outra titularidade

Para a aplicación das bonificacións previstas neste apartado será necesario que as devanditas obras se acompañen da creación de novos postos de traballo, que deberán

manterse polo menos nun prazo igual a 2 anos, contados dende a finalización das construcións, instalacións e obras.

- B1) 90% pola creación de 6 ou mais postos de traballo
- B2) 80% pola creación de 5 postos de traballo
- B3) 70 % pola creación de 4 postos de traballo
- B4) 60% pola creación de 3 postos de traballo
- B5) 50% pola creación de ata 2 postos de traballo

A creación de novos postos de traballo acreditarase mediante a presentación por parte dos interesados, das correspondentes altas da Seguridade social:

- No réxime xeral, cando se trate de contratación por conta allea
- No réxime especial de traballadores por conta propia o autónomos, cando se trate de autoemprego

No caso de que a creación de novos postos de traballo non poda xustificarse no momento da concesión da licenza xustificarase dende o momento da alta da actividade no Imposto sobre Actividades Económicas e nun prazo máximo de 6 meses

c) As porcentaxes que a continuación seguen na cota do imposto polas obras de traslado de actividades empresariais no polígono industrial de Monforte de Lemos

Considerarase obras de trasladados aquelas que viñan exercéndose no municipio e que se trasladen ao Polígono Industrial de Monforte de Lemos e na Zona do Porto Seco.

Para a aplicación das bonificacións previstas neste apartado será necesario que as devanditas obras se acompañen da creación de novos postos de traballo, que deberán manterse polo menos nun prazo igual a 2 anos, contados dende a finalización das construcións, instalacións e obras.

- C1) 90% pola creación de 3 novos postos de traballo
- C2) 70 % pola creación de 2 novos postos de traballo
- C3) 50% pola creación de 1 novo posto de traballo

A creación de novos postos de traballo acreditarase mediante a presentación por parte dos interesados, das correspondentes altas da Seguridade social:

- No réxime xeral, cando se trate de contratación por conta allea
- No réxime especial de traballadores por conta propia o autónomos, cando se trate de autoemprego

No caso de que a creación de novos postos de traballo non poda xustificarse no momento da concesión da licenza xustificarase dende o momento da modificación da actividade no Imposto sobre Actividades Económicas e nun prazo máximo de 6 meses

d) As porcentaxes que a continuación seguen na cota do imposto polas obras de ampliación ou reforma de actividades empresariais.

Entenderase por ampliación ou reforma as que alteren a configuración arquitectónica dos edificios, entendendo por tales as que teñan carácter de intervención total ou as parciais que produzcan unha variación esencial da composición xeral exterior, a volumetría, ou o conxunto do sistema estrutural, ou teñan por obxecto cambiar ous usos característicos do edificio

Para a aplicación das bonificacións previstas neste apartado será necesario que as devanditas obras se acompañen da creación de novos postos de traballo, que deberán manterse polo menos nun prazo igual a 2 anos, contados dende a finalización das construcións, instalacións e obras.

- D1) 90 % pola creación de 2 o máis novos postos de traballo

D2) 80 % pola creación de 1 novo posto de traballo

A creación de novos postos de traballo acreditarase mediante a presentación por parte dos interesados, das correspondentes altas da Seguridade social:

- No réxime xeral, cando se trate de contratación por conta allea
- No réxime especial de traballadores por conta propia o autónomos, cando se trate de autoemprego

No caso de que a creación de novos postos de traballo non poda xustificarse no momento da concesión da licenza xustificarase dende o momento da modificación da actividade no Imposto sobre Actividades Económicas e nun prazo máximo de 6 meses

Aos efectos das bonificacións previstas nos apartados B, C e D entenderase por empresariais as actividades previstas na Sección 1ª das Tarifas do Imposto sobre Actividades Económicas aprobadas polo Real Decreto Lexislativo 1175/1990, de 28 de setembro”

“ARTIGO 8º.- XESTIÓN

Cando se conceda a licenza preceptiva ou cando cando non solicitándose, concedido ou denegado, se inicie a construcción, instalación ou obra, o Concello practicará unha liquidación provisional a conta, agás no caso que se teña tramitada unha solicitude de bonificación, cuxo recoñecemento corresponda ao pleno. Neste suposto practicarase a liquidación unha vez adoptado polo Pleno o correspondente acordo”

1.4) ORDENANZA 1.5 REGULADORA DO IMPOSTO SOBRE O INCREMENTO DO VALOR TERREOS DE NATUREZA URBANA

Modificar artigo 5 “Bonificacións”. Modificación da redacción do artigo aos efectos de clarificación da determinación do importe do valor catastral (valor catastral total do inmoble transmitido)

Queda redactado do seguinte modo:

“ARTIGO 5.- BONIFICACIÓNNS

De acordo coa posibilidade establecida no ARTIGO 108 punto 4 do R.D. lexislativo 2 / 2004 de 5 de marzo, establecense as seguintes bonificacións :

1) Nas transmisión ou constitución de dereitos reais de goce limitativos de dominio realizados a título gratuito por causa de morte a favor dos descendentes e adoptados, cónxuxes e ascendentes e adoptantes , sempre e cando o ben ou derecho obxecto da transmisión, sexa a vivenda habitual do receptor:

1.a) Bonificación do 50% na cota íntegra do Imposto para aqueles bens inmobles cun valor catastral total inferior a 50.582,89€

1.b) Bonificación do 25% para aqueles bens inmobles cun valor catastral total superior a 50.582,89€

A estes efectos considerarase vivenda habitual aquela que figure como domicilio do receptor no padrón de habitantes na data de falecemento do causante

Esta bonificación deberá solicitarse dentro do prazo habilitado no artigo 110 do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais, para a presentación do imposto

No caso de que se transmita a propiedade, dentro dos 4 anos seguintes, contados dende a defunción do causante, liquidarase a parte da cota que estivo bonificada

1.5) ORDENANZA FISCAL 2.3 REGULADORA DA TAXA POR RECOLLIDA, TRATAMENTO E ELIMINACIÓN DE LIXO.

Modificar artigo 5 “Exencións”. Eliminación dos supostos de exención da taxa as actividades de fabricación de produtos de molinería exercida en muíños impulsados con enerxía hidráulica

Queda redactado do seguinte modo:

“ARTIGO 5º.- EXENCIÓNS

Estarán exentos desta taxa os contribuíntes beneficiarios da Renda de Inserción Social de Galicia (RISGA). Para gozar desta derradeira exención, o interesado deberá solicitala previamente, acreditar o cumprimento das condicións que motivan o seu outorgamento e a solicitude deberá ser informada polos Servizos Sociais do Concello. Esta exención quedará sen efecto cando desaparezan as circunstancias sociais persoais que a motivaron”

1.6) ORDENANZA 2.12 REGULADORA DAS TAXAS PARA O ESTUDIO, ANÁLISE E EXPEDICIÓN DE DOCUMENTOS

Modificar artigo 4. "Bases e Tarifas". Apartado “Persoal”. Modificación tarifas

Queda redactado do seguinte modo:

“ARTIGO 4º.- BASES E TARIFAS

Son as seguintes:

.....

PERSOAL

Dereitos de exame:

- Grupo A1 ou persoal asimilado: 28,31 €
- Grupo A2 ou persoal asimilado: 25,16 €
- Grupo B ou persoal asimilado: 22,02 €
- Grupo C1 ou persoal asimilado: 18,87 €
- Grupo C2 ou persoal asimilado: 15,73 €
- Agrupacións profesionais: 9,44 €”

1.7) ORDENANZA FISCAL REGULADORA DA TAXA POLA ENTRADA DE VEHICULOS A TRAVES DAS BEIRARRUAS E RESERVA DE ESPAZO NA VIA PUBLICA PARA APARCAMENTOS EXCLUSIVOS, CARGA E DESCARGA DE MERCANCIAS DE CALQUERA CLASE

Modificar artigo 5º “cota tributaria” engadindo ao concepto de reserva de vía pública para aparcamiento exclusivo e carga e descarga de mercadorías o suposto de establecementos hoteleiros

Queda redactado do seguinte modo:

“ARTIGO 5º.- COTA TRIBUTARIA

TARIFAS	Categoría de rúas e importe en		
	1 ^a	2 ^a	3 ^a
(....)			

Reserva de vía pública para aparcamento exclusivo e carga e descarga de mercadorias e establecementos hoteleiros

Por metro lineal, ó ano cun mínimo de 8 metros lineais 6,89€ 5,37€ 3,55€”

1.8) PREZO PUBLICO POLA VISITA Á TORRE DA HOMENAXE

Modificar artigo 2 “Obrigados ao pago” suprimindo os menores de seis anos como obligados ao pago do prezo público

Modificar artigo 3º “Contía”

Quedan redactados do seguinte modo:

“ARTIGO 2º.- OBRIGADOS Ó PAGO

Estarán obligados ó pago destes prezos públicos os adquirentes das entradas, agás os menores de seis anos”

“ARTIGO 3º.- CONTÍA

3.1.- As tarifas serán as seguintes (prezo por persoa):

Visita á Torre da Homenaxe 1,50€

Grupos de 15 a 25 persoas 1,40€ / persoa

Grupos de 26 a 50 persoas 1,25€/ persoa

Grupos de 51 persoas en adiante 1,10€/persoa

3.2.- A porcentaxe do Imposto sobre o Valor Engadido está incluída no prezo reseñado na tarifa deste artigo.”

SEGUNDO.- Expoñer ao público os acordos precedentes, mediante edicto, que se fixará na táboa de anuncios do Concello e se publicará no Boletín Oficial da Provincia e nun diario dos de maior difusión na provincia.

Durante o prazo de trinta días hábiles, a contar desde o día seguinte da publicación do correspondente edicto no BOP, os interesados poderán examinar o expediente, e presentar as oportunas reclamacións. No caso de non presentarse reclamacións, o acordo provisional considerase elevado a definitivo.

No suposto que se presentasen reclamacións, procederase á súa resolución e á adopción dos correspondentes acordos de aprobación definitiva.

TERCEIRO.- Os acordos definitivos ou os provisionais elevados a definitivos e o texto íntegro das modificacións acordadas, publicaranse no Boletín Oficial da Provincia, e entrarán en vigor o primeiro de xaneiro de 2017 e serán vixentes mentres non se acorde a súa modificación ou derogación.”

No debate deste asunto producíronse as seguintes intervencións:

De Dna. Maribel García Díaz, portavoz do Grupo de Esperta Monforte, que di que segundo un anuncio na prensa, non se sobren as taxas. É motivo suficiente para pagar anuncios na prensa? Non sei que gasto tivo o anuncio. Non se sobren? Entendo que se refire a todo tipo de taxas e non sei se se ten en conta o IPC, o anuncio non aporta nada. Dous exemplos do IBI, sobre o que estamos a falar: un de 10,56 € en 2015, é de 110,69 € en 2016. Outro en Baamorto, pasou de 39,58 a 186 euros. Son subidas por enriba do

450%. En que pensa investir ese diñeiro? O constatado é o previsible. Vai facer algunha oferta de cara aos orzamentos? Podería parecernos ben que non se diminuíse o IBI, pero non sen que se nos conteste á pregunta.

De Dna. Julia Rodríguez Barreira, portavoz do Grupo do PP, que di que as ordenanzas son un instrumento importante. Regulan impostos e taxas polos servizos que se prestan e polos usos dos bens públicos. No substancial, formúlanse cuestión de xestión, agás o dos exames cun modesto contido económico. Critico tamén o anuncio de autobombo, puido baixalas, deixalas como están non é para iso. Temos unha marxe nas condicións económicas que a diferenza do aumento cando o Plan de axuste, fai reconsiderar o non baixar, no IBI do 0,605 ao 0,50, é un compromiso de cando o Plan de axuste.. Moitos veciños están afectados, non só por revisións e incorporacións, senón por reclamacións de catro anos de atrasos. Outras cuestións hai como a posibilidade de bonificacións da Lei de Facendas Locais, ademais da das familias numerosas. Segue a intervención segundo a emenda presentada por este Grupo, que se transcribe ata onde se expuxo nesta primeira quenda, de acordo co que figura no texto entregado para o efecto: "*PROPOÑEMOS AS SEGUINTES MODIFICACIÓNES SOBRE A PROPOSTA QUE ELEVA AO PLENO O EQUIPO DE GOBERNO: 1º.- SOBRE A ORDENANZA REGULADORA DO I.B.I. PROPOSE: A SUSTITUCIÓN DO TIPO IMPOSITIVO DO 0'605% DO 181 DE URBANA POLO 0'50 %.- BONIFICACIÓNES POTESTATIVAS: BONIFICACIÓN AO AMPARO DO ART. 74.1 LRHL, DO 30% DA COTA ÍNTegra DO IMPOSTO, A FAVOR DOS BENS INMOBLES URBÁNS, UBICADOS EN NÚCLEOS RURAIS E DO 50% AOS INMOBLES VINCULADOS A EXPLOTACIÓNES AGRARIAS, CANDO NON SEXAN BENEFICIARIAS DA BONIFICACIÓN ESTABLECIDA NO ART. 73.3 LRHL. BONIFICACIÓN DE ATA O 90% DA CUOTA ÍNTegra DO IMPOSTO, SEMPRE QUE O SOLICITEN OS INTERESADOS ANTES DO INICIO DAS OBRAS, NAQUELES INMOBLES QUE SEXAN OBXETO DUNHA ACTIVIDADE CONSTRUCTIVA DE REHABILITACIÓN E MELLORA QUE SEXA DECLARADA DE ESPECIAL INTERÉS OU UTILIDADE MUNICIPAL, POR CONCURRIR CIRCUNSTANCIAS SOCIAIS, CULTURAIS, HISTÓRICO ARTÍSTICAS OU DE FOMENTO DO EMPREGO QUE XUSTIFIQUEN TAL DECLARACIÓN, AO AMPARO DO ART. 74.2 quater LRHL., DESDE O PERÍODO IMPOSITIVO SEGUINTE AO INICIO DAS OBRAS E ATA O POSTERIOR A SUA FINALIZACIÓN SIN QUE A BONIFICACIÓN POIDA APLICARSE POR MAIS DE TRES PERÍODOS IMPOSITIVOS.- -BONIFICACIÓN ATA O 50% DA CUOTA INTEGRA DO IMPOSTO PARA OS BENS INMOBLES NOS QUE SE TEÑAN INSTALADO SISTEMAS DE APROVEITAMENTO TÉRMICO OU ELECTRICO DE ENERXÍA SOLAR, QUE INCLÚAN COLECTORES HOMOLOGADOS POLA ADMINISTRACIÓN, SEMPRE QUE O SOLICITEN OS INTERESADOS ANTES DO INICIO DAS OBRAS E DESDE O PERÍODO IMPOSITIVO SEGUINTE AO INICIO DAS OBRAS E ATA O POSTERIOR A SUA FINALIZACIÓN SIN QUE A BONIFICACIÓN POIDA APLICARSE POR MAIS DE DOUS PERÍODOS IMPOSITIVOS. 2º.- SOBRE A ORDENANZA REGULADORA DO I.I.V.T.N.U. PROPOSE: -ART. 5. BONIFICACIÓN: 1) QUE SE ENGADA NO PUNTO 1: NAS TRASMISIÓNES DE TERREOS E NA TRANSMISIÓN OU CONSTITUCIÓN DE DEREITOS REAIS DE GOCE LIMITATIVOS DE DOMINIO... ”*

De Dna. Pilar López Martínez, portavoz do Grupo do BNG, que di que hai cuestiós técnicas, que non teñen maior problema, pero o seu Grupo ten a emenda que procede a ler segundo o texto repartido para o efecto ao inicio da sesión: *"Na proposta de Alcaldía de modificación de Ordenanzas fiscais para o exercicio 2017 figura a modificación da Ordenanza Fiscal do Imposto sobre Bens Inmobilés de Natureza Urbana na que se propón mudar o período no cal se poderá solicitar a bonificación do 50% na cota das vivendas de protección oficial, pero nada se di sobre o coeficiente a aplicar nesta ordenanza.- Dado que na proposta figura na Ordenanza Fiscal Xeral de Ingresos Municipais de Dereito Público suprimir o punto d) do artigo 21 da devandita ordenanza a denegación de adiamento e fraccionamento nos supostos de débedas de vencemento periódico e tal como o Sr. Alcalde informou na propia Comisión Informativa nos últimos meses son moitas as persoas que solicitan este fraccionamento, entendemos e sabemos que hai familias que seguen a ter moitos problemas para chegaren a fin de mes.- No último exercicio os ingresos municipais sufrieron un incremento de ao redor de 460.000€ dos que en Aportacións de Tributos do Estado se aumento o ingreso en 274.000€ e en concepto de IBI 185.600€ como consecuencia do traballo que a Oficina de Recadación leva dende hai anos de descubrir edificaciós que non pagaban ou modificaciós doutras vivendas que non pagaban o que lles correspondía.- Por este motivo, o grupo municipal do BNG solicita do Pleno da Corporación Municipal a adopción do seguinte **ACORDO**: Que se rebaixe o coeficiente do Imposto sobre Bens Inmobilés de Natureza Urbana, que na actualidade está no 0,605 ao 0,57-0,58 aproximadamente por entender que se adecúa ao incremento de ingresos municipais por este concepto no último exercicio, que como xa se nomeou anteriormente ascendeu a 185.600€."* Recorda o informe de Intervención sobre a perda que habería de baixar ao 0,55, pero si é posible unha baixada.

Do Sr. Alcalde, D. José Tomé Roca, polo Grupo Socialista, que di que o equipo de goberno propón non subir impostos e taxas para o ano que vén. Tamén facilitar a relación dos veciños co Concello para aprazamentos e fraccionamentos. Tamén melloras técnicas e adaptación das ordenanzas á lexislación vixente. Hai unha redución dos dereitos de exame –dá en números redondos as cifras que figuran no que se propón e foi acordado-. A rebaixa é para facilitar o acceso, se hai dificultade económica. Tamén será gratis a visita dos nenos aos monumentos, como a Torre da Homenaxe, ata 6 anos. Coas oito –de trinta e unha ordenanzas- que se propón modificar, facilítase a vida, sobre todo para o que máis o necesita. O resto das ordenanzas non está na proposta nin na orde do día. Sorpréndeme a redución de impostos que se trae: En que imos deixar de empregar ese diñeiro? En servizos sociais? En Cultura e festexos? As festas tamén veñen ben económicoamente. En saneamento? Hai que dicir en que se gasta menos. Na óptica da dereita, non me estraña, pero di dende a óptica da esquerda. En 2012, houbo un Plan de axuste e unha subida de taxas e impostos, parece que agora se quere volver atrás. O goberno do PP obrigou a subir ata o 0,60. Cando era obligatorio segundo o goberno do PP, era bo. Pero cando xa non está obrigado por el, xa é malo. Se era bo dotar de recursos aos Concellos naquel momento, tamén agora. Queren volver á situación do Plan de axuste, é irresponsabilidade. Por sentenza moitas parcelas deixan de cotizar como urbanas e pasan a facelo como rústicas, hai unha baixa de ingresos.

De Dna. Maribel García Díaz, que di que ve que o Alcalde non tivo o detalle de mentar o do destino do incremento dos ingresos. Gústame a festa, pero non gastar tanto en festas cando hai tantas necesidades. Poña enriba da mesa a vontade de negociar os orzamentos. Estamos a querer quedar ben con palabras, en lugar de abordar os problemas serios, o outro é política barata. O incremento do IBI non está tan desvirtuado polo que di o Alcalde. Vou formalizar a petición do gasto das festas.

De Dna. Julia Rodríguez Barreira, que primeiro remata coa emenda iniciada na anterior quenda: “*2) ENGADEGA DAS SEGUINTES BONIFICACIÓN: CON ARREGLO AO ESTABLECIDO NO ART. 108 5 DO RD.L. 2/2004.- BONIFICACIÓN DO 50% DA CUOTA INTEGRA DO IMPOSTO NAS TRASMISIÓN DE TERREOS E NA TRANSMISIÓN OU CONSTITUCIÓN DE DEREITOS REAIS DE GOCE LIMITATIVOS DO DOMINIO DE TERREOS SOBRE OS QUE SE DESENROLEN ACTIVIDADES ECONÓMICAS QUE SEXAN DECLARADAS DE ESPECIAL INTERÉS OU UTILIDADE MUNICIPAL POR CONCURRIR CIRCUNSTANCIAS SOCIAIS, CULTURAIS, HISTORICO ARTISTICAS OU DE FOMENTO DO EMPREGO, QUE XUSTIFIQUEN TAL DECLARACIÓN, CORRESPONDENDO DITA DECLARACIÓN AO PLENO DA CORPORACIÓN, E ACORDARASE PREVIA SOLICITUDE DO SUXEITO PASIVO, POR VOTO FAVORABLE DA MAIORIA SIMPLE DOS SEUS MEMBROS.- 3º.- TAXA POLA ENTRADA DE VEHICULOS A TRAVÉS DAS BEIRARRÚAS E RESERVA DE ESPAZO NA VIA PÚBLICA PARA APARCAMENTOS EXCLUSIVOS, CARGA E DESCARGA DE MERCANCIAS. EN CANTO A TARIFA QUE SE ESTABLECE PARA A RESERVA NA VIA PÚBLICA PARA APARCAMENTO EXCLUSIVO E CARGA E DESCARGA DE MERCADORIAS EN ESTABECEMENTOS HOTELEIROS ENTENDEMOS QUE A TARIFA SE DEBE EQUIPARAR A DOS TAXISTAS MAIS QUE A DA CARGA E DESCARGA POLA DISPONIBILIDADE QUE REPRESENTA E O VINCULO A UNHA ACTIVIDADE ECONÓMICA. PROPOÑEMOS UNHA TARIFA DE 135 € ANUAIS.*” Sobre os exames, se non se poden convocar prazas. En Galicia acaban de baixarse impostos. Cando Rajoy subiu o IBI, cargou contra el, pero agora pode baixalo e non o fai. Podía ter a habilidade de pedir axudas, a subvención do 1% cultural non está pedida, e outras. O IBI o ano pasado aumentou en 185.000 euros, en que se gastou? Hai accións que se fan sen xustificación.

De Dna. Pilar López Martínez, que lle di ao Alcalde que lle propoñen un pequeno esforzo para a rebaixa do IBI, a cidadanía agradeceríao. Vostede mesmo refiriuse a familias con necesidades e por iso as facilidades de fraccionamento e aprazamento. Nas taxas do exame, de acordo, pero cantas convocatorias hai? Nos orzamentos, formulamos un investimento no saneamento que non aceptou. Vostede ten unha mellor situación de ingresos, non só pola posta ao día do IBI, tamén hai melloría pola participación nos ingresos do Estado, 274.000 euros máis que o ano anterior. Coa experiencia do noso goberno, formulamos o do IBI. O que vai ser rústico, só vai afectar ao solo, non á edificación, e áinda queda moito que levantar pola oficina de recadación. A xente pide cada vez máis fraccionamentos en recibos como os da auga ou os do lixo, reconsidera o que se pide, non é desorbitado.

Do Sr.Alcalde, que di que a oficina de recadación dille que xa remataron o labor deles. Falei de parcelas, non efectivamente de edificios. Sobre maior participación nos ingresos do Estado, aínda non sabemos como será en 2017, os datos son de agora, de 2016. Tivemos 100.000 euros para a paga extra de 2012, o 1% de subida nos soldos, os atrasos a Aqualia por Ribas Altas; na realidade, foron 70.000 euros menos dispoñibles. Cando o orzamento para 2015, xa a portavoz do PP propuña rebaixar o IBI, e a do BNG dixo que o subiran por Real Decreto, que o baixase outro Real Decreto. Nós apoiamos entón ao goberno municipal e non ao PP. Pido ao BNG a mesma responsabilidade. As emendas non son aceptables, poñen en risco a estabilidade económica e o equilibrio económico-financeiro. Non está na orde do día da proposta.

(O Sr. Secretario explica as facultades do goberno municipal en materia de orzamentos e polo que atinxo ao estado de ingresos deles, en materia de ordenanzas. A Sra. Interventora di que habería que facer antes un estudo económico. A portavoz do PP propón unha votación por puntos. A portavoz do BNG di que se hai vontade política, cunha semana de marxe, pode haber un estudo económico e unha nova convocatoria do Pleno. O Sr. Alcalde di que a proposta é do goberno e hai que manter o equilibrio económico-financeiro, sometemos o asunto a votación tal como vén da Comisión informativa).

Non habendo máis asuntos a tratar, o Sr.Alcalde-Presidente levanta a sesión sendo as vinte e unha horas e vinte minutos do expresado día, de todo o cal eu, Secretario, certifico



Vº e pri
O Alcalde,
[Signature]

CONCELLO DE MONFORTE DE LEMOS
SECRETARIA - SÓLIDOS